

襄陽府志

第十三本

卷二十四

人物

萬曆
庚子年

人
物

襄陽府志

襄陽府志卷第二十四

人物志二 歷代人物

歷代人物

棗陽縣

後漢

劉縯字伯升光武長兄性剛毅慷慨有大節王莽末發春陵子弟誘新市平林合軍自後眾至十餘萬諸將議立劉氏豪傑咸歸於縯而新市平林將帥憚縯威明貪聖公懦弱立之聖公卽位拜縯大司徒封漢信侯光武破王尋王邑兄弟威名日甚更始誅縯建武十五年追諡爲齊武王節後漢書本傳

劉珍字秋孫一名寶少好學永初中爲謁者僕射鄧太后詔使與校書劉駒駭馬融及五經博士校定東觀五經諸子傳記百家莠術整齊脫誤是正文字永甯九年又詔與駒駭作建武已來名臣傳轉衛尉卒官箬誅頌連珠凡七篇又撰釋名三十篇以辨萬物之稱號云

節後漢書本傳

何鬲字伯求少遊學洛陽郭林宗賈偉節等與之相好及陳蕃李膺之敗乃變姓名匿汝南間所至皆親其豪傑袁紹慕之結爲奔走之友黨事起鬲私入洛陽從紹計議全免甚眾董卓秉政逼爲長史不就與荀爽王允等謀卓會爽薨鬲以他事爲卓所繫憂憤而卒初鬲常稱穎川荀爽王佐之器及或爲尚書令西埋叔父爽并致鬲屍葬爽家

傍節後漢書本傳

謝該字文儀明左氏春秋爲世名儒門徒數百千人建安中河東人樂詳條左氏疑滯數十事以問該皆爲通解之名爲謝氏釋行於世仕爲公車司馬令以父母老去官少

府孔融上書薦該詔徵還拜議郎

節後漢書本傳

孔融

業韓彭之將征討暴亂陸賈叔孫通進說許書光武中興吳耿佐命范升衛宏修述舊業故能文武並用成長久之計陛下聖德欽明同符二祖勞謙厄運三年迺離今尙父鷹揚方叔翰飛王師電驚羣凶破殄始有蒙恩誅鼓之次宜得名儒典綜禮記竊見故公車司馬令謝該體曾史之淑性兼商偃之文學博通羣藝周覽古今物來有應事至不惑清白異行敦悅道訓求之遠近少有疇匹若廼巨骨出吳隼集陳庭黃能入寢亥有言一首非夫洽聞者莫識其端也雋不疑定北關之前夏侯勝辯常陰之驗然後朝士益重儒術今該實卓然比跡前列間以父母老疾棄官欲歸道路險塞無由自致猥使良才抱璞而逃跼赴山河沈淪荆楚所謂往而不返者也後日當更饋藥以鈞由余刻

像以求傳說豈不煩哉臣愚以爲可推錄所在召該令還
楚人止孫卿之去國漢朝追匡衡於平原尊儒貴學惜失
賢也

韓嵩字德高少好學知世將亂隱居酈西山中黃巾起避

亂南方劉表以爲別駕表親祀天地嵩諫不從荊州平嵩

病就在所拜授大鴻臚印授

節三國志魏書劉表傳裴注引先賢行狀

初表謂

嵩曰今天下大亂未知所定曹公擁天子都許君爲我觀

其釁嵩對曰聖達節次守節嵩守節者也夫事君爲君君

臣名定以死守之今策名委質惟將軍所命以嵩觀之曹

公至明必濟天下將軍能上順天子下歸曹公楚國實受

其祐使嵩可也設計未定嵩使京師天子假嵩一官則天

子之臣而將軍之故吏耳在君爲君則嵩守天子之命

不得復爲將軍死也唯將軍無負嵩表遂使之天子拜嵩
侍中遷零陵太守還稱朝廷曹公之德表以爲懷貳陳兵
將斬之嵩不動謂表曰將軍負嵩嵩不負將軍具陳前言
表妻蔡氏諫之曰韓嵩楚國之望也且其言直誅之無辭
表乃囚之同上裴注引
傅子語節嵩鄉人鄧羲亦附見表傳云天子
都許表雖使貢獻然北與表紹相結治中鄧羲諫不聽羲
辭疾而退魏武定荊州以羲爲侍中

宋忠字仲子爲劉表五業從事表以州界羣寇旣盡乃起
立學校博求儒術使忠及某母闔縣志誤
作闔等撰立五經章

句謂之後定書成表嘉之後隨琮降操操以爲侍中與鄭
元齊名時謂北海鄭元南陽宋忠所著有世本四卷注有

周易十卷法言十三卷太元經九卷

縣志

案三國志魏書劉表傳裴注引英雄記與後漢書表傳所載表使綦毋闔宋忠等撰定五經章句事同而不言忠爲何處人惟吳書虞翻注中有南陽宋忠之語縣志據此遂列入棗陽耆舊考是時南陽縣邑夥頗惟襄鄉蔡陽章陵在今棗陽境內縣志旣未注所引書今亦無由斷其出入故姑過而存之以俟閱覽者之審定焉又乾隆府志臚載世祖宗室十有一人今於其無稱者暨道志縣志之濫入者概予刊落不備數也

三國

劉岱字南和隨先王入蜀爲江陽太守稍遷至監軍後將

軍賜爵關內侯少子武有文與樊建齊名官至尚書

節三國志

蜀書李漢輔

臣贊裴注

贊曰鎮南粗強監軍尙篤竝豫戎任任自封

裔鎮南謂襄陽輔匡也

傅彤從先王征吳

五字蒙裴注上文

退軍斷後拒戰兵人死盡吳

將詔彤令降彤罵曰吳狗何有漢將軍降者遂戰死子僉

後爲關中都督景耀六年又臨危授命蜀記載晉武帝詔

曰蜀將軍傅僉前在關城身拒官軍致死不顧僉父彤復

爲劉備戰亡天下之善一也豈由彼此以爲異僉息著募

後沒入奚官免爲庶人

同上

姜維傳載鍾會遣別將攻關口

蔣舒出降傅僉鬪死裴注引漢晉春秋曰蔣舒將出降乃

詭謂僉曰今賊至不擊而閉城自守非良圖也僉曰受命

保城惟全爲功今違命出戰若喪師辱國死無益矣舒曰
子以保城獲全爲功我以出戰克敵爲功請各行其志遂
率眾出僉謂其戰也至陰平以降胡烈烈乘虛襲城僉格
鬪而死

宋

孟宗政字德夫其先絳州人祖安從岳飛軍有功父林從
飛至隨州因家焉

案是時棗陽屬隨州故云

宗政豪偉有膽略開禧二

年金犯襄郢率義士據險邀擊奪其輜重補棗陽令嘉定
十年金犯襄陽與扈再興設伏血戰金人敗走尋報棗陽
圍急宗政午發峴首遲明抵棗陽金人宵遁差權棗陽軍
築隄積水修治城堞簡閱軍士十一年金帥擁步騎圍城

拒戰金人奔潰十一年又傅城宗政激將士力戰凡十五陣金帥棄帳走升武功大夫制置使金兵迫湖陽境宗政一鼓而拔燔積聚夷營砦遷荆鄂都統制威震境外金人呼爲孟爺爺病疽卒邊城爲罷市慟哭子珙

節宋史本傳

珙字璞玉嘉定十年金人犯襄陽駐團山宗政禦之珙料其必闕樊城獻策由羅家渡濟河翼日諸軍臨渡布陣金人至半渡伏發殲其半歷官京西第五副將初宗政招唐鄧蔡壯士二萬餘人號忠順軍命江海總之眾不安制置使以珙代海乃帖然紹定元年珙劾平寇於棗陽自城至軍西十八里由八疊河經漸水側水跨九阜建通天槽入十三丈溉田十萬頃立十莊三轄使軍民分屯是年收十

五萬石又命忠順軍家自蓄馬官給芻粟馬益繁息六年
元遣使約共攻蔡珙請以二萬人行端平元年破蔡滅金
與元將那顏偁蓋分金主守緒骨制置司奏留珙襄陽兼
鎮北軍都統制鎮北軍者珙所招中原精銳百戰之士萬
五千餘人分屯灤北樊城新野唐鄧間二年暫黃州駐劄
朝辭帝問和議對曰臣介冑之士當言戰不當言和兼知
黃州元攻蘄州又攻襄陽江陵危急珙遣張順度江自以
全師繼之破砦二十四嘉熙元年封隨縣男二年遷京西
湖北路制置使受詔收復京襄珙謂必得郢然後可以通
餽饗得荆門然後可以出奇兵由是指授方略發兵深入
所至以捷聞三年正月復襄陽奏略曰取襄不難而守爲

難非將士不勇也非車馬器械不精也實在乎事力之不
給耳襄樊爲朝廷根本今百戰而得之當加經理如護元
氣非甲兵十萬不足分守乃置先鋒軍以襄郢歸順人隸
焉四年進封子遷四川宣撫使淮東受兵珙遣焦進自荆
門出襄劉全道南漳入襄與諸軍合進封漢東郡公四年
兼知江陵府奏言襄蜀蕩析蜀士聚於公安襄士聚於郢
渚臣作公安南陽兩書院以没入田廬隸之使有所教養
請帝題其榜賜焉終於江陵府治贈太師封吉國公諡忠
襄廟曰威愛珙忠君體國在軍與參佐部曲論事片言折
衷眾志皆懷建旗鼓臨將吏色懍然無敢涕唾者退則焚
香埽地隱几危坐若蕭然事外其學邃於易六十四卦各

繫四句名警心易贊自號無庵居士兄璟弟瑛璋子之經

咸有力於兵事節宋史本傳

元

滕克恭字安卿宋季流移於祥符之迷回村博通經史尤工詩官至集賢院直學士後避地錢塘與楊廉夫相友善

縣志

明

莫玉洪武二年改湘潭州為縣以玉知縣事草舍為官

署草創一切備極勞動考滿擢柳州通判

袁盛字德昌號桐岡景泰丙子舉人周官黎平府知府有

善政苗民戶視之長子傳次仕次金甯宮通判仕字良輔

宏治癸丑進士巡按廣東總持風紀疏劾劉瑾瑾旨延

杖左遷襄王府長史偉字子俊正德時拔貢生官雲南左

衛知事工詩善畫傳子廷英字光輔嘉靖乙酉舉人官商

州知州以清直稱偉子俊如歲貢生於書無所不讀一門

彪炳稱甚盛焉縣志袁仕劾劉瑾疏恭讀太祖高皇帝

不許干預政事煌煌天語炳如日星列聖相承勿之敢違

間有一二專擅閹宦羣臣發其罪狀小者立行罷斥大則

旋就誅戮未有專政日久蠱國滋深予奪生殺儼然無上

大逆不道釀今日不可測之隱禍如司禮監太監劉瑾之

甚者也祖宗朝凡六曹一切章奏先發閣臣票擬斷自上

裁參決可否而後施行間有未善計九卿科道面折廷諍

此政體也今逆瑾則口銜天憲旨自中出傳奉兩字公然

播中外矣一嘆一笑從旁揣摩而如綽如綸居然假借勅

不經鸞臺鳳閣出之何名事皆由墨勅斜封言亦可諛有

乖祖訓大傷國體此亂政欺君者一也祖宗朝大小臣子

罪當究治者重則下之三法司虛公究擬猶有六議則不

上大夫也至於言事之臣忠憤嘗多激烈即折檻絕裾亦

每曲示優容所以禮臣工而勵其節也今逆瑾則與內外
諸臣稍不如意一朝斥去之矣甚之則徑下廷尉矣又甚
則杖於闕下矣手障天顏作喜作怒口傳尊詔疑鬼神
使在朝諸臣稟凜畏罪而無所措去國離鄉既已雲泥日
間耶閣繞闕又復血濺肉飛豈欲朝士大夫皆寒蟬空結
而食馬不鳴乎此亂政欺君者二也祖宗朝爵人於朝
士共之進退繼陟之權一切歸之銓部閣臣不得而旁參
則其他可知也以故名器尊榮人懷廉恥拜爵公廷而謝
恩私室每待蓄而不為今逆瑾則爵人官人一手提定工
奸取媚者濟濟於其門輦金於道者明言線索揚揚得意
賄賂公行逢迎無厭乳臭可以金吾馮唐空老欄羊亦啗
關內李廣難封名爵已盡長此安窮聞之天下傳之後世
謂皇上今日為何如至此亂政欺君者三也祖宗朝京營
設立十三團營即漢唐之羽林健兒為天子爪牙者也
有事調發則命五軍都督府兵伯一人挂印紵之以拔其
方事畢仍納印歸兵無違戍無重役所以養其力作其威
以居重馭輕壯衛神京也今逆瑾則以操練為名不時抽
調壯丁健兒選以自衛操作指使者逐隊於其門前
擁之下既不平壯士之心頓氣指使之問又消為笑
銳日漸月靡勢必使鷹揚盡入幕內而軍政化為
有不虞都政何賴且也太阿不可旁落利器豈以
軍不見至尊而日見逆瑾之威威之所切心亦隨之豈

細柳之營不聞天子之詔乎此亂政欺君者四也再若用
私人於要路搜括民財布心懷於多門撫拾羣過或政日
廢弛而不問浪誇指置邊防人心日怨叛而難收禍言雖
咎宇宙牽鷹弄犬招搖上蔡之門結網羅鋒有滿長安之
道罪已滔天狀難髮數臣兩朝參養待罪鳳紀家學淵源
素明孝子事父母之義國恩隆重敢忘鷹鵠逐鳥鵲之心
見此逆瑾專擅日久欺君亂政誓不與逆豎共戴高天逆
豎一日不誅則國賊一日不立臣節一日不老則王德一
日不新而天下之人情一日不快伏乞皇上大奮乾斷立
賜處分將臣章下之法司審明逆瑾種種罪狀如果臣言
不謬即當戮之朝市使天下曉然知君側之一清也臣心
雖壯臣齒已老以言觸怒死而不憾為此激切待命之至
尙寃字從周天順甲申進士官刑部郎中諳法律屢決大
獄爲同官所忌告歸箸有盛唐遺音

王璵字良璧成化乙未進士巡按蘇松剔除姦蠹宣廟時

以直諫廷杖死

孝慈登憲宗朝進士憲宗爲宣宗之孫相去歷四十年此不當云宣廟時杖死志

亦沿府志之訛今以無可考其何事何時謹仍舊文而糾其舛誤於此

裨衾不備同官賻之